

**Aningaasanut inatsisip aaqqissugaanera aamma allaffissornikkut aningaasanut inatsisip suliarineqarnerata ingerlasarnera pillugit Namminersorlutik Oqartussat nalunaarutaat nr. 44, 27. november 2020-meersoq**

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaanni nr. 26, 28. november 2016-imeersumi § 13, imm. 1, § 19 aamma § 36 naapertorlugit aalajangersarneqarput:

**Kapitali 1**

*Maleruagassat atuuffissaat il. il.*

§ 1. Nalunaarummi matumani aningaasanut inatsisip aningaasaliissutit suussusaannut agguarneqarnera pillugu maleruagassat aamma aningaasanut inatsisissatut siunnersuummik suliaraqneq pillugu maleruagassat, aalajangersarneqarput.

*Imm. 2.* Nalunaarut Naalackersuisoqarfinnut aamma qitiusumi allaffeqarfimmi immikkoortortanut, missingersuutaat aningaasanut inatsimmi ilanngunneqartunut, atuuppoq.

**Kapitali 2**

*Aningaasanut inatsisip aaqqissugaanera aamma aningaasaliissutit suussusaat*

*Aningaasanut inatsisip aaqqissugaanera*

§ 2. Aningaasanut inatsimmiipput inatsisip oqaasertai.

*Imm. 2.* Inatsisip oqaasertaat aningaasaliissutininut takussutissiamut, ukiumi aningaasaliiffiusumi kontoni pingaarnerni allassimasuni aningaasaliissutit allassimaffiannut, tunngassuteqarput. Aningaasaliissutininut takussutissiami aningaasaliissutit ataasiakkaanut atatillugu ukiup aningaasaliffiusup kingorna ukiut 3-t tulluuttuni aningaasaliissutit ineriartornerannut naatsorsuutigisat paasissutissiissutigineqassapput.

*Imm. 3.* Inatsisip oqaasertai aamma ukiumi aningaasaliiffiusumi oqaasertaliussanut tunngassuteqarput.

§ 3. Aningaasanut inatsit inatsisip oqaasertaannut nassuiaatinik imaqarpoq. Nassuiaatit ilitsersuissutit iluseqarput.

*Imm. 2.* Nassuiaatit minnerpaamik makkununnga tunngassuteqarput:

1) Suliassa qarfiit akimorlugit angusanut takussutissiaq: Suliassa qarfiit akimorlugit angusanut takussutissiami missingersuutini angusat ataatsimut katillugit allassimapput, siunertaq aamma aningaasaliissutit suussusaat malillugu agguarsimallutik.

2) Oqaasertaliussanut nassuiaatit: Oqaasertaliussanut nassuiaatit oqaasertaliussamik ilanngussinissamut tunngavissanik imaqarpoq.

3) Missingersuutininut takussutissiaq: Inatsisartut Siulittaasoqarfianut aamma Naalackersuisut naalackersuisoqarfiini suliassa qarfiit ataasiakkaanut agguarlugit aningaasaliissutit suussusaat malillugit missingersuutit angusanut tamarmiusunut takussutissiaq.

4) Kontut pingaarnernut takussutissiaq: Kontut pingaarnernut takussutissiami aningaasaliissutit ataasiakkaanut atatillugu ukioq kingullermi naatsorsuutini angusat, aningaasanut inatsimmi aningaasaliissutit kingulliit, kiisalu ukiup aningaasaliiffiusup kingorna ukiut 3-t tulluuttuni aningaasaliissutit ineriartornissaannut naatsorsuutigisat, paasissutissiissutigineqassapput.

5) Missingersuutininut ilanngussat: Missingersuutininut ilanngussat kontu pingaarnerni ataasiakkaani aningaasaliissutininut tunngavigisanik erseqqinnerusunik imaqrput. Sanaartornermut suliassaqrarfimmi, kontu pingaarnermi suliassanik arlalinnik ilanngussivigineqarsinnaasumi, suliassat ataasiakkaat ataanni suliassamut nassuiaammi aningaasaliissutininut tunngavigisat allassimapput.

#### *Aningaasaliissutit suussusaat*

§ 4. Aningaasanut inatsit kapitali matumani §§ 5-9-mi allassimasutut aningaasaliissutit suussutsit immikkoortut 5-inut agguarneqarpoq. Aningaasaliissutit suussusaannik toqqaanermut suliassap suussusaa apeqqutaavoq.

*Imm. 2.* Aningaasanut inatsimmi kontut pingaarnernut tamanut immikkut aningaasaliissutit suussusaat allanneqassavoq.

*Imm. 3.* Siunertaasoq aningaasaliissuteqarnermi immikkut soqutigisaasutut isigineqarpat, kontu pingaarneq pilersinneqassavoq.

*Imm. 4.* Aningaasaliissutit suussusaat atugassiinernut aningaasaliissutit atorlugit atugassiissutigineqarsinnaasunut aalajangiisuvoq, taamaattoq inatsisini, nalunaarutini imaluunniit oqaasertaliussani atugassiisinnaanermik annertusititsisunik imaluunniit annikillitsitsisunik maleruagassaqsinnaalluni.

§ 5. Ingerlatsinermut aningaasaliissutit sullissivinnut imaluunniit allaffissornikkut immikkoortortanut aningaasaliissutini pineqartunut, ukioq aningaasaliiffiusumi ilanngaaseereerluni aningaasartuutininik akiliinissamut, aningaasaliissutininut killissaliussaapput.

*Imm. 2.* Aningaasaliissutini Naalakkersuisunut ilaasorta q akisussaasuusoq, missingersuutini tunngavigisat naapertorlugit ingerlatsinermut aningaasartuutininik akiliinissamut aamma ingerlatsinermut isertitaqarnissamut, piginnaatinneqarpoq.

*Imm. 3.* Aningasarsianut aningaasartuutit ingerlatsinermut aningaasaliissutit ataanni taamaallaat akilerneqarsinnaapput.

*Imm. 4.* Ingerlatsinermut aningaasaliissutini, sullissivimmut imaluunniit sullissivinnut imaluunniit allaffissornikkut immikkoortortanut ingerlatsinermut aningaasaliissuteqarnermi pineqartunut atasumik aserfallatsaaliuineranut aamma iluarsaassinernut annikinnerusunut aningaasartuutit, akilerneqarsinnaapput.

§ 6. Tiguisissat aalajangersimasut tunniussassanik aalajangersimasunik pisinnaatitaaffeqalersimasut Inatsisartut inatsisaanni aalajangersarneqarsimatillugu, aamma tunniussassat annertussusaat imaluunniit naatsorsuinermi tunngavissat inatsimmi

immikkoortumi aalajangersarneqarsimatillugit, aningaasaliissutit inatsisitigut pisussaaffigisat atorpeqassapput.

*Imm. 2.* Aningaasaliissutini Naalakkersuisunut ilaasortaq aningaasartuutininik Inatsisartut inatsisaannik aalajangersagaasut akilernissaannut piginnaatinneqarpoq.

*Imm. 3.* Aningaasanut inatsimmi aningaasaliissutini inatsisitigut pisussaaffigisani aningaasartuutissat missiliugaapput, taamaattumik ilassutitut aningaasaliissuteqartoqartinnagu aningaasartuutaanerusut akilerneqarsinnaallutik imaluunniit aningaasartuutikinnerusoqarsinnaalluni. Aningaasaliissutinit nikingassutaasut naatsorsuutini ilanngunneqassapput.

*Imm. 4.* Aningaasartuuteqarneruneq imaluunniit aningaasartuutikinneruneq, aningaasaliissutininut inatsimmi tunngaviusut allanngorsimanerannik pissuteqartoq, ilassutitut aningaasaliissutininut inatsimmi ilanngunneqassavoq, kiisalu aningaasanut inatsit tullermi takkuttussami ilanngunneqassalluni.

§ 7. Tapiissutitut aningaasaliissutit, Naalakkersuisunut ilaasortaq inatsimmi pisussaaffiunngitsunut aningaasartuutininik akiliinissamut piginnaatinneqarsimappat, atorpeqassapput.

*Imm. 2.* Aningaasaliissutini Naalakkersuisunut ilaasortaq pineqartoq, aningaasaliissutit siunertaasa iluanni imaluunniit suliffeqarfinni aningaasaatinut akiliutitut aningaasartuutininut, ernianut aningaasartuutininut, inuussutissarsiortunut tapersiissutininut, sillimmatinut, isumakkeerinerit, taarsigassarsititsinernut assigisaannulluunniit tapiissutitut ilusilinnik aningaasartuutininik akiliisinnaavoq.

§ 8. Isertitanut aningaasaliissutit, inatsisitigut pisussaaffigineqartuninik taamatullu inatsisitigut pisussaaffigineqanngitsuninik isertitaqarnernut, atorneqarsinnaapput. Naalagaaffiup Namminersorlutik Oqartussanut tapiissutai aamma akileraarutitigut akitsuutitigullu isertitat, pissarsianit isertitat, pigisanik nalilinnik tunisinerit, sanaartukkat il.il. isertitat aningaasaliissutitut allanneqassapput. Isertitanut aningaasaliissutit kisimik aningaasanut inatsimmi isertitanut missingersuutini allassimasinnaapput.

§ 9. Sanaartornermut aningaasaliissutit, sanaartugassanik pilersaarusernermut, pigisanik aalaakkaasuninik sanaartornermut aningaasaliinermullu, sanaartukkanut, IT atorlugu periaatsinut allanullu pigisanut nalilinnut aningaasaliissuteqarnerni kiisalu Namminersorlutik Oqartussat taarsigassarsititsinissamut neriorsuuteqarpata imaluunniit kommuninut allanullu sanaartornermut iluarsaassinermullu suliaasanut tapiissuteqarpat, atorpeqassapput.

*Imm. 2.* Sanaartornermut aningaasaliissutini Naalakkersuisunut ilaasortaq pineqartoq, sanaartornermut suliaasat imm. 1-imi aalajangersarneqartut, aningaasaliissutini suliaasamut nassuiaammi aalajangersarneqartutut, ingerlanneqarnissaannut aningaasartuutit akilernissaannut, piginnaatinneqarpoq.

*Imm. 3.* Sanaartornermut aningaasaliissutit marlunnut avillugit sanaartornermut aningaasaliissutigineqarsinnaapput, tamatuma kingorna Naalakkersuisunut ilaasortaq pineqartoq:

- 1) Suliassamut neqeroortitsinerup imaluunniit suliariumannittussarsiuussinerup ingerlanneqareernissaata tungaanut sanaartugassamut pilersaarusiornermik il. il. suliaqarnermut aningaasartuutinik akiliisinnaalluni. Suliassaq aningaasaliissutini siunertat allassimasut iluanniissavoq.
- 2) Aningaasaqarnermut Akileraartarnermullu Ataatsimiititaliap akuersissuteqarneratigut, suliariumannittussarsiuussineq ingerlanneqareerpat suliassat ataasiakkaani ukioq aningaasaliiffiusumi aamma ukiut missingersuusiorfiusuni aningaasaliissutitut killissaliussanik atugassiissutigineqartunik atugassiisinnaalluni. Suliassat aalajangersimasut Aningaasaqarnermut Akileraartarnermullu Ataatsimiititaliaq piginnaatitsissuteqartinnagu aallartinneqarsinnaasut, inatsimmi maleruagassanik aalajangersaasoqarsimasinnaavoq.

### **Kapitali 3**

#### *Kontonut pingaarnernut pilersaarut*

§ 10. Aningaasanut inatsisip § 3, imm. 2, nr. 4, naapertorlugu kontut pingaarnernut agguarneqarnera, Aningaasaqarnermut Naalakkersuisoqarfimmit aalajangersarneqassavoq. Pilersaarummut allannguutit killilersimaarniarneqassapput, tassami ukiut arlalinnut Inatsisartut aningaasaqarnikkut pingaarnersiuineranni ineriartorneq malinneqarsinnaasussaammat.

### **Kapitali 4**

#### *Aningaasanut inatsisip suliarineqarnerata ingerlanera*

§ 11. Aningaasaqarnermut Naalakkersuisoqarfiup Namminersorlutik Oqartussat aningaasanut inatsisissatut siunnersuummik suliaqarnerat ataqatigiissassavaa.

*Imm. 2.* Aningaasaqarnermut Naalakkersuisoqarfik ukiut tamaasa kingusinnerpaamik martsip qaammataata naanerani, ukioq aggersumut aningaasanut inatsisissatut siunnersuutip suliarineqarnissaanut Naalakkersuisoqarfinnut tamanut pilersaarummik, nassiussissavoq, taamaattoq takuuk imm. 3.

*Imm. 3.* Qinersinissap nalunaarutigineqarnerata imaluunniit pissutsit pingaaruteqartut allat tamanna pisariaqalersippagu, imm. 2-mi piffissamut killissaliussaq saneqqunneqarsinnaavoq. Aningaasanut inatsisissatut siunnersuutip suliarineqarnera tamatuma kingorna pissutsit pissusissamisoornerat eqqarsaatigalugu sapinngisamik ingerlanneqassavoq.

§ 12. Aningaasaqarnermut Naalakkersuisup aningaasanut inatsisissatut siunnersuutip suliarineqarnera pillugu Naalakkersuisut isummernissaannut tunngavissiaq ataaseq arlallilluunniit suliarineqarnissaat isumagissavaa.

*Imm. 2.* Isummernissamut tunngavissiaq ilaatigut qulequttanik makkuninnga inassuteqaatinik immikkoortunik ilaqartunik imaqassavoq:

- 1) Missingersuutini piumasaqaatinut killissaliussat agguarsimanerat.
- 2) Iluarsaaqqinnernik inatsisinillu suliniuteqarnerit aningaasanut inatsimmut sunniuteqartut pingaarnersiorneqarnerat.

- 3) Sipaaruteqarnissaq.
- 4) Tunngavissat aarlerinaataasullu isummernissamut tunngavissiap suliarineqarnerata nalaani ilisimaneqartut tunngavigalugit nunap karsiata isertitassaannut naatsorsuutigineqartut.

§ 13. Naalackersuisoqarfinni suliassa qarfiit ataasiakkaat, Naalackersuisunit killissaliussat nalunaarutigineqartunut naapertuuttumik suliassa qarfimminut aningaasanut inatsisissatut siunnersuummut missingersuutitut ilanngussat oqaasertaliussallu, suliarissavaat.

§ 14. Aningaasaqarnermut Naalackersuisoqarfiup missingersuutitut ilanngussat aamma oqaasertaliussat misissussavai aamma teknikikut allanngortitsinerit pisariaqartut suliarissallugit, takuuk kapitali 5, taamaalillutik ilanngussat aningaasanut inatsisissatut siunnersuut ataatsimoortumi ilaasinnaalissallutik.

## **Kapitali 5**

### *Missingersuutitut ilanngussanik suliagarneq*

§ 15. Missingersuutitut ilanngussat suliarineqarneranni makkua isiginiarneqassapput:

- 1) Missingersuutitut ilanngussaq immersugassat aamma malittarisassat Aningaasaqarnermut Naalackersuisoqarfiimmit nassiuuneqartut malillugit suliarineqassavoq. Immersugassat Namminersorlutik Oqartussat aningaasaqarnermut periaasiat aqqutigalugu pissarsiarineqarsinnaanngortinneqassapput.
- 2) Missingersuutitut ilanngussat aningaasaliissutit suussusaat, maleruagassat tunngavigineqartut aamma missingersuusiornermut tunngavigisat pillugit paasissutissanik imaqassapput.
- 3) Kontu pingaarnermut oqaasertaliussa qarpat, missingersuutitut ilanngussani allassimassavoq.
- 4) Ilanngussat Naalackersuisunut siunnersuutitut ilusilersugaassapput.
- 5) Aningaasanut inatsit siusinnerusumiittumut sanilliullugu aningaasaliissutitut tunngavigisat imaluunniit aningaasaliissutit annertussusaat annertuumik allannguuteqarsimappata, allannguutitut taakkununga pissutaasut missingersuutitut ilanngussami nassuiarneqassapput. Aningaasaliissutit allannguutaat kontu pingaarnertit allani malittaasunik aningaasartuutitut allatigut sunniuteqarsimappat, tamanna paasissutissiissutigineqassavoq.
- 6) Missingersuutitut ilanngussaq, paasissutissanik suliassa qarfimmi ineriartornermik erseqqinnerusumik erseqqissaasunik aamma aningaasaliissutitut tunngavigineqartunik, imaqassavoq.
- 7) Missingersuutitut ilanngussaq suliassami kisitsisit qitiusunik sapinngisamik imaqartariaqarpoq. Suliassami kisitsisit sapinngisamik immersugassat assigiissaakkat malillugit suliarineqassapput.
- 8) Missingersuutitut ilanngussaq aningaasaliissuteqarsinnaanermik oqariartuutitalimmik, assersuutigalugu annertunerusunik aningaasaliissuteqarnissaq kingusinnerusukkut qinnutigineqarsinnaasoq siunnerfeqartumik, imaqassanngilaq.

9) Ingerlatsinermut aningaasaliissutit missingersuutaasunut ilanngussaq missingersuutitut nassuiaammik imaqaassavoq, aningaasarsiat aningaasartuutitut, aningaasartuutit allanut immaqalu isertitanut agguarneqarnera allassimassalluni. Piffissaq aningaasanut inatsiseqarfiusumi aningaasarsianut aningaasartuutit piviusunngortinneqarpat imaluunniit aningaasarsianut aningaasartuutit akilerneqarnissaat naatsorsuutigineqarpat, pisortanut sulisunullu allanut agguarlugu sulisorisanut atuinnermut piviusunngortinneqartumut imaluunniit naatsorsuutigineqartumut takussutissiaq ilaatinneqassavoq. Ukioq aningaasaliiffiusumi sulisorisanut atuneq ukioq tamaat atorfinnut naatsorsorlugu allassimassavoq aamma marluk angullugit decimaleqartillugu imaluunniit kisitsisi qaninnermut iluitsunngorlugu, allanneqarsinnaalluni. Ukioq tamaat atorfik nalunaaquttap akunneri 2080-ini ukiumut suliffiusoq ilimagineqarpoq, nalunaaquttap akunneri 200-ni sulinnigiffeqarneq ilanngullugu. Pisortanut atorfiit akissaateqarfik 36-mi qaffasinnerusumilu atorfittut kiisalu sulisartunut isumaqatigiissutini atorfittut tamatumunnga sanilliunneqarsinnaasutut, isigineqarput.

10) Inatsisartut inatsisaat sorleq naapertorlugu aningaasartuutit akilerneqassanersut, kiisalu aningaasaliissutitut naatsorsuinnermut tunngaviusut aamma missingersuutitut tunngavigisat, inatsisitigut pisussaaffigisanut aningaasaliissutitut missingersuutitut ilanngussami allassimassapput. Tamatuma saniatigut tiguisussat, tunniussassanut akigititaq aamma suliaqarnissaq naatsorsuutigineqartoq, ilanngullugit tiguisussat amerlassusaat, erseqqissumik allassimassapput.

11) Sanaartornermut aningaasaliissutit missingersuutitut ilanngussaq suliassap nassuiaataanik imaqaassavoq, tassani allassimassallutik:

a) Missingersuutit tunngavigisanut, siunertanut, aningaasaliinnermi tunngaviusunut nassuiaat, kiisalu immikkoortumut pilersaarutit imaluunniit sanaartornermut inatsisit il.il.

aningaasaliissutitut pingaaruteqartut allallugit.

b) Suliassanut nassuiaatinut takussutissiaq, tassani allassimallutik aningaasartuutissat naatsorsuutigineqartut kiisalu ukiunut agguanerit.

c) Suliassanut nassuiaatit. Suliassanut nassuiaatit nalunaarummi § 9, imm. 2 naapertorlugu aningaasaliissutinik atugassiinissamut pisussaaffiliipput. Suliassanut nassuiaatini sanaartornermi suliassat aningaasaliissutit ataanni ingerlanneqarsinnaasut paasinarsisinneqassapput aamma killissalerneqassallutik. Nassuiaatini pingaarnerit ilaatinneqartut nassuiarneqassapput, soorlu assersuutigalugu m<sup>2</sup> amerlassusissaat, init amerlassusissaat, aggulinerit imaluunniit atuuffissaat il.il. naatsorsuutigineqartut. Tamatuma saniatigut suliassami suliassanut piffissamut killissaliussat nassuiarneqarput, ilanngullugit suliassap aallartiffissaa naammassivissaalu naatsorsuutigineqartut.

## **Kapitali 6**

### *Ilasutitut aningaasaliissutit*

§ 16. Nutaamik imaluunniit allannortitsilluni aningaasaliissuteqarnissaq pillugu qinnuteqaat Naalakkersuisut sinnerlugit Aningaasaqarnermut Naalakkersuisup Inatsisartut Aningaasaqarnermut Akileraartarnermullu Ataatsimiititaliaanut saqqummiutissavaa.

*Imm. 2.* Aningaasanut inatsimmi, oqaasertaliussani imaluunniit inatsisit allani tunngaveqartumik atugassiinerit, Aningaasaqarnermut Akileraartarnermullu Ataatsimiititaliamit akuerineqartussat, matumani kapitali malillugu ilassutitut aningaasaliissuteqarnissamik qinnuteqaatit ilusilerlugu ataatsimiititaliamut saqummiunneqassapput. Ilassutitut aningaasaliissuteqarnissamik qinnuteqaat, takuuk uniffik siulleq, Aningaasaqarnermut Akileraartarnermullu Ataatsimiititaliamit akuerineqartut, ilassutitut aningaasaliissutitut inatsimmi ilanngunneqassapput.

**§ 17.** Nutaamik imaluunniit allanngortitsilluni aningaasaliissuteqarnissaq pillugu qinnuteqaat, taamaallaat ukioq aningaasaliiffiusumi aningaasartuuteqarnermik sunniuteqartillugu atugassiissuteqarnermut taamaallaat tunngassuteqassavoq. Ukiuni kinguliini sunniutaasussat aningaasanut inatsit takkuttussaq siullermi ilanngunneqassapput. Taamaattoq ukiuni tamatuma kingulianiittuni aningaasaqarnikkut sunniutaasussat, ilassutitut aningaasaliissuteqarnissamik qinnuteqaammi allassimassapput.

**§ 18.** Ilassutitut aningaasaliissutitut inatsimmiipput inatsisip oqaasertai.

*Imm. 2.* Inatsisip oqaasertaanniipput aningaasanut inatsimmi aningaasaliissutitut aamma oqaasertaliussanut allannguutit.

*Imm. 3.* Aningaasaliissutitigut allannguutini aningaasanut inatsimmi aningaasaliissutit, ilassutitut aningaasaliissutit aamma aningaasaliissutit tamarmiusut allanneqassapput.

*Imm. 4.* Ilassutitut aningaasaliissutitut inatsit inatsisip oqaasertaannut nassuiaatinik imaqarpoq. Nassuiaatit missingersuutitut ilanngussamiipput, ilassutitut aningaasaliissutitut ataasiakkaanut missingersuusiornermi tunngavigisat, kiisalu oqaasertaliussanut nassuiaatit, allassimallutik.

**§ 19.** Aningaasaqarnermut Naalakkersuisup ilassutitut aningaasaliissutit aamma oqaasertaliussat nutaat imaluunniit allannguutillit katersussavai, aamma ilassutitut aningaasaliissutitut inatsisissatut siunnersuutip suliarineqarnera ingerlatissallugu.

## **Kapitali 7**

### *Atuutilerfia aamma ikaarsaarnermi aalajangersakkat*

**§ 20.** Nalunaarut manna ulloq 15. december 2020, taamaattoq takuuk imm. 2.


*Imm. 2.* Taamaattoq nalunaarummi kapitali 4 aatsaat ulloq 1. januar 2021 atuutilissavoq aamma 2022-mut aningaasanut inatsisissatut siunnersuutip suliarineqarneranut atuutissalluni.

*Imm. 3. Nalunaarutip matuma aamma missingersuusiornermut malittarisassat 17. juni 2008-meersut imminnut naapertuutinnippata, nalunaarut manna salliutinneqassavoq.*

*Namminersorlutik Oqartussat ulloq 27. november 2020*

  
Vittus Qujaukitsoq

/

  
Nikolai S. Christensen